

Wir setzen ouch und gebieten,

daz man den harnasch  
und die wer,  
di die purger heten,  
einem jeglichem manne  
nach sinen staten  
uf geleit dem goteshaus ze helpe  
und der stat ze schirme behalten sol  
und daz sin niemen ane werde

und swer sin niht enhab,  
der sol noch nach sinen staten hin  
umbe sand Johans messe  
ze sunnewenden  
eigen harnasch gewinnen  
und sol den der rihter  
und der viztum zwir in dem iar schowen

und swer einen eigen harnasch  
danne niht enhat,  
der sol an die stat ein phunt geben  
und dannoch einen eigen harnasch gewinnen.